

CHANSON NEVEZ

VAR SUJET

EUR BROMEZE FERVANT HAC EUR SEPARATION ETRE DAOU DEN YAOUANC

Var ton ar *Fauz Promese*

Prosternet e ma c'halon
N'ho presans, Bretonnet,
Vit goulenn o c'hataution
Eur momet en secret ;
Me disclerio en guirion
Eur promeze fervant
Hac eur separation
Entre daou den yaouanc.

Na fel quet din er poent-man,
Dont d'abusin paper ;
Sujet avoalc'h a gavan
Hep asten ar matier
Eur re bennag martese
A gemero an er
Da meprisan ma bue
Dre ma c'hesplikin scler,

N'on quet dign a drouc-zello
Pa n'am anaveet ket,
Rac zavantoc'h evidon
A so bet n'em leuryet
Ebars en laso Venus
Hac e mab Cupidon
Pere a rent malheureuz,
Sivoas ! meur a galon.

Me a so eun den yaouanc
Ag a meus consantet
Carout eur plac'h yaouanc
Dign da vean caret ;
Vit dirag ma daou lagad
Na meus remerquet hini
Da gad eun er ken agreabl
Herve ma fantasi.

Vel gand Doue inspiret,
Da ouel an Assomption,
Me a so bet az et
N'he c'hichen en eur pardon
En parous Pleudaniel,
Kichen eur gos illis
Eur plas devot a santel
Goude fin an ofis.

Eno var douar ar Verc'hes,
Me meus bet remerquet
He skiant ac e furnes
Ha memes e genet,
Me meus gret reflection
A n'em sonjet erfat
Na momp biquen separation
Vit mar be ze d'he grat.

Abofter ma yaouankis
A neus ma arretet
Bet a voan vit n'en divis
Ha pa meus quet credet
Parlanti dei enep fesson
Demeus ar garante
A zanten bars em c'halon
N'he c'hever en dese.

Nao mis em bet en guirion
Hep en em rencontri
Delc'het ho c'hatansion
Yaouankis me o supli
Aman a teu Cupidon
Gant eun ardeur neves
Da allumi n'em c'halon
Etemancho a garante.

Annons a ris d'ar plac'h-se,
O vont d'eun assemble
Penos am boa bolante
Da gat e c'hamitie
Hac evit n'em assuri
Deus e fidelite
A meus goulet diganti
Ober din promesse.

AR PLAC'H

« Ma mignon nimp so yaouanc
D'ober promesseou ;
Gant an disteran tourmant
A chanch hom ideou
Ma torfemp hon promesse
Hac ober eur parjur
Me fell din en em bue
Kavet eur guir assur.

AR POTR

« Birviquen an amser fall
Na allo distrujan
Ar garante leal
Pehini a dougan ;
Mes me so en disfiars
Demeus ho carante :
Roet din ann assurans
Vit a rest hon bue. »

AR PLAC'H

« Arsa eta, ma mignon,
Pa omg en plas hirie
Na vo quet dre draison
A rin dec'h promesse

Kemer a refomp vit test
Eun avocat a Dreguer
Rac on c'halon so c'hoas fresk
Da chom hep culateur.

He dorn en hem hini,
Prosternet d'an daoulin
Dirag Sant Ervoan Etouri,
Mab henan Kervarzin,
En illis ar Minihi,
An naoutec a vis mae
A prometjomp dimesi
Hon daou ann eil d'eguille.

Secret ve ar promesse
Dirag eur pobl a leiz :
Pere dired an de-ze
A bep coste a Vreiz
Da velet penn hom avocat
Dre guir devotion
A douger var eur brancar
Bars er procession.

O solennite joaüs
Evit eur pobl a te ;
Biscoas de quen evurus
N'em boa cat em bue,
Zantout a ran ma c'halon
Vel benet mesq ar joa ;
Mes ret e cat separation
Rac an nos a dosta.

AR POTR

« Arsa plac'h yaouanc fidel,
Poent eo dispartian
An heol so arri izel :
Lequet din breman
Eun termen d'a n'em gavet
Herve ho polante,
Rac pel a omp separet
An eil deus eguille. »

AR PLAC'H

« De eisvet ar Zacramant
Bars en kær Landreguer,
Zo eun assemble charmant
Gant ar bobl ar c'hartier
Mar be se d'ho polante,
Hon daou n'imp ario
En Landreguer, en de se
Goude ar gouspero. »

Dalit Mari-Louis, cetu eud diamant,
A zo en aour melet, a roan dec'h en present,
Zo test d'ar garante e mus, va douc, evidoc'h ;
Birviquen va mestres, ne garin nemedoc'h.

Partiat'ra neuse da vont d'e regimant.
Vardro daou vis goude e scrif d'e vestres coant
Me a zo em regimant contant vel eur Roue ;
Mes ho quelet, va douc, a garfen, va Doue.

Querquent vel ma clevas e voa er regimant,
Hac hi monet d'he fres da guemeret arc'hant ;
Quemer a ra tri c'hant scoet, mont a ra da Bors Louis,
Goude bea guisquet habillamant bourc'his,
Querquent e man en hent evit mont da Naonet,
E lec'h ma voa Yannic, e mignon angaget.
Pa voe ta eruet er gaer an Naonet
Comz eus ar c'habiten ractal e deus c'hoantet,
Bonjour, Autrou, amezi, a c'houi a aneoje
Eun den a so contant da zervich ar Roue.

Evel me voa guisquet e guis eun den yaouanc,
Ractal voe angaget ebars er regimant ;
Ha tri deves goude voe laquet en faction
Dirac ar c'hordegard ma voa e guir mignon,
Neuse er saludas gant eur guir reveranç,
Evel ma a dleet da eur zoudard a Franç.
Hac er memes nosves eus e goste e couscas,
Hep cavet ne soupçon e voa ousman eur plac'h.

Guelit ar garante eus an daou zen yaouanc ;
Epad eis vlas entier m'int bet er regimant,
Biscoas essur na zouetas e voa ouman e vestres,
Hac e vije bemnos cousquet eus e gostes.

P'oe eru an amser d'a gavet e c'honje,
Hac hi mont da gavet e c'habiten eun de :
Cetu echu va amser, Autrou, roit d'in va c'honje,
Evit ma zint d'ar gaer goude servich ar Roue.
Me a c'houlén ouzoc'h c'hoas sur zoudard yaouanc,
Zo echu e amser ebars o regimant.

Zo va c'hamarad guel a garan a wir galon,
Evit ma imp hon daou assembles d'hor c'hantan
Neuse ta ar c'habiten a zinas daou gonje,
Evit distrei d'o pro goude servich ar Roue,
Evel ma vent gant an hen, hi a goane goal gre :
Allon, ni so tost d'hor bro, va douc va c'harente.

Pa voent eru tost d'ar bourg, quent entren en o c'haer,
Hac hi da lavarat neuse d'e zervicher :
Ne c'heus-te quet er vao-mam, eméni, eur vestres coant,
A behini e comzes pa voas er regimant ?

Allas ! eo-da, emean, n'eur s'qei var e galon.
Ne meus sur er vro-mam, ma douc Marion.
Zo caus on gla'haret oll aboe m'on angaget :
Tremenet e an vlas ne mous i puet guelet.

Te a lavar gaou, emei ; sel ervat ouzon me
Me a so Mari-Louis, da zouc, da garante,
A so bet epad eiz vlas eus da heuil en arme,
Ac a so bet bomnos cousquet eus da goste.

Ha te vel, va mignon, aman an diamant
A poa de roet din guet mont d'ar regimant ?
A voa test d'ar garante a lares poa evidon-me :
Guelet ec'h eus certain maus evidout ive.

Perac eta Mari, pa voa er regimant
E lezes va c'halon en glac'har en tourmant ?
Rac me meus da garet certain dre guir garante,
Mes mui a caran c'hoas sur an Autrou Doue.

Allon ta, va mignon, demp da di ar Person ;
Ha me a ya brema da ganta va rêson :
Va c'hentel ze studiet, me an laquai estonet,
Martese biscoas plac'h n'en deus an bet spontet.

Allon, Autrou Person, eme Mari-Louis,
Hastit en em guempen da vonet d'an illis :
Ni so daou zoudard yaouanc o tont eus an arme,
Ha c'houi reng demesi an eil gant enuile.

Ha ! ha ! eme'r Person cetu eur c'hoari sot :
Biscoas n'om boat clewet e ve demet daou bot,
Nan, nan, eme'r Person, me scrifo d'an Escop
Qent ma vent oblijet da eureuji daou bot.

Dalit Autrou'r Person, cetu daou gonje mat,
Brema me ya d'ar guer evit chench va dillat :
Ni z'on daou eus ar baros, me a so Mari-Louis
Zo ganet er bourg-man, badeet en oc'h Ilis.

Ah ! ia eme'r Person, me voar piou out brema ;
Me rayo da eured, ne gousto di netra ;
Me a scrijo d'ar Roue evidout Mari-Louis,
Ha te po an enor da vonet da Baris.

Pa voent bet demet, e scrifas da Baris,
Ar Roue a c'houl'en cass dean Mari-Louis :
Ne nemet eur baysantes, m'es mont a ra d'ar pales
Presentet d'ar Roue couls ha d'ar Rouanes.

Ha pa voe dirazan e present e c'honje :
Ia, sir emesi, me so bet an arme ;
Gout a ran an exerciç ha mania ar zabren,
Ha laquat da dehel meur a a Iversourien.

Ar Roue mad nese nens hi recompancet,
Vel eur zoudard vaillant en devoa meritet,
Rac se merched yaouanc, redit oll d'an arme,
Hac o po recompanç ive gant ar Roue.

FIN